

Páwòlò cu wáràgà jì FÍLÍMÒNÌ

¹ Nìno a ye tí Páwòlò, tí 'duù tí nó á kpónó kuu gbí zàà muu Bìndi-Mbírì tí Jézù nó, ká kù cu wáràgà tí nò. Ze kù gbo gbí bà cu wáràgà tí nó ta Tìmàtéyò, tí ná'vìndí ndoo, jì wò tí Fílímòni, tí tó ka ze mbe nètè,

² ta ndâ 'duù tí nó mbe kù kili ta rẹ̀ mì Bìndi-Mbírì á mí 'bá mì lo nó, ta nàmì ze Áfìyà, ta Àrìkìpúsù tí ka ze àsìkèrì mì Bìndi-Mbírì

³ Ze kù 'deke tí ze jì Mbírì tí Bu ndoo, ze delè kù 'deke tí ze jì Mbe tí ndoo Jézù tí Bìndi-Mbírì, máa ndú 'ví bàkà nambeè jì yo, ndú delè 'ví si yo 'ví dù ta gbí òkò tí yo nìkì maa.

Páwòlò 'deke tí wó jì Mbírì tacó tí Fílímòni

⁴ Fílímòni, ye ta o 'dáá gí má kù 'deke tí ye jì Mbírì, ye delè kù 'deke tí ye tacó tí lo, ye delè kù 'dè nìkì maa jì Mbírì tacó tí lo,

⁵ tacó ye kù 'di tàwo bà tee njembí lo mítí Mbe tí ndoo Jézù, ta tàwo bà zè ndâ 'duù mì Mbírì ta njembí bà zè Mbírì mì lo.

⁶ Ye kù 'deke tí ye jì Mbírì, máa yí 'ví si bà nì kaà mì lo ta ndâ 'bí ka lo mbe kù ùnje gítí Bìndi-Mbírì nò 'ví je muu bà nò ndâ tó i tí nó 'dáá gí náa ndoo kù 'de 'do mì wó tí Mbírì ta rẹ̀ mì Bìndi-Mbírì 'ví nó 'ví ni jì yo túkà'i.

⁷ Có bà dù njembí lo tí njembí bà zè Mbírì nò peteke tàkòcò ye ngé ndii gí, à delè gii je jì ye a

wotí, ná'vindí ye. Tacó wò 'dèè njembí ndâ mbe kû kili ta ɾè mì Bìndi-Mbíɾì gî.

Páwòlò yù nambeè 'do mì Filímòni tacó tí Ònésimò

⁸ Ye ñò ni gî máa, à tí ye a wotí tacó bà 'dè có ji wò máa, wò bàkà go có mì ye ta ɾè mì Bìndi-Mbíɾì.

⁹ Káa, à kpétí ká éno, ye kpónó kû bàkà me ña ñìnò lá. Ye kpónó tí Páwòlò, tí kpo 'dakò tí nó á kuu gbí zàà muu Bìndi-Mbíɾì tí Jézù nó kû 'deke a tí ye ji wò, máa, wò si njembí lo 'ví dù tí njembí bà zè Mbíɾì.

¹⁰ Ye kû 'deke tí ye ji wò tacó tí 'viì mì ye Ònésimò, náa ye gí tí bu wó si ye kpónó kuu gbí zàà nô.

¹¹ Yí táánò sàà kùɾo a 'duù ñìnó ta i gbí wó ji wò wálá nô, káa i gbí wó kpónó me gbolò ji ndà só ngé ndii gî.

¹² Ye kpónó kû tuu ndi wó ji wò ta njembí ye ká gá'dáá tàkò wó.

¹³ Ye kùtáa bà si yí 'ví dù á mì ze ta yí, tacó wàa yí 'ví dù tí mbe koni ye bìndi lo á si ye kpónó kuu gbí zàà á muu có bà ma Banga-Ngú-Có nô.

¹⁴ Káa go bà bàkà éno kùɾo bà 'di có 'do gbí nje lo tí ye wálá. Tacó ña ñìnò bà dù goólá ye kû yòòngò wò yóóngó-yòòngò gítí bà bàkà nambeè ji ye nô. Káa à ñiki káa bà bàkà nambeè ji ye mì lo 'do gbí 'dóó có mì lo gbí njembí lo.

¹⁵ Ndâ-'bî-lá Mbíɾì táánò njèè gbí òkò tí yo ta Ònésimò ta làmbu o nò ká tacó wàa yí 'ví dele ndi wó gí mì lo ngbé.

16 Káa yí bà dele me tí i-zógó-zogo káká'i lá. Yí bà dele ndi wó gí mì lo tí kpóló-kpolo ná'vindí lo ta ɾè mì Bìndi-Mbíri. À kpêtí káa 'dóó ye, Ònésìmò kpónó a kpóló-kpolo 'duù mì ye. Káa à má ji wò, yí a 'dóó-'dòò ná'vindí lo, yí delè a ná'vindí lo ta ɾè mì Mbe tí ndoo.

17 À má ènò, te wiři mí tí wó á go bà te wiři mì lo mí tí ye, náa wò dú má káa ka ye nò.

18 Káa yí táánò má bàkà a 'bí i mbe nìkì lá ta wò, 'bí i mì lo delè má ká mì lo muu wó, ye bà sì có ndâ i tí nò ji wò á muu wó gî.

19 A ye tí Páwòlò ká kú cu wáràgà tí nó ji wò ta 'dóó 'bì ye, máa, ye bà sì có ndâ i mì lo náa àa muu wó nó 'dáá gî. Ye delè bà 'vèè gbí nje lo tacó ndâ i ñinó mì ye muu lo nó wálá.

20 À má ènò, ye kpónó kú koɾo có lì a i mí tí lo ta ɾè mì Mbe tí ndoo, ná'vindí ye. Tacó wàa, wò tí mbe kú ɾu ndi Bìndi-Mbíri 'ví je wotí.

21 Ye ñò ni gî, máa, wò bà 'di có mì ye gî; ye delè gii ñò ni gî, máa, ye bà 'de ndâ i 'do mì lo me gbolò ndii ndâ i tí nó náa ye yù 'do tí lo gbí wáràgà tí nó nó gî.

22 Kaa tà 'bá wiři mì lo ù ta ndi ye, tacó ye kú koɾo có bà ya gí mì yo kà, náa Mbíri má ñò bà 'deke tí yo, wàa yí 'ví je nó ji ye nò.

Ndâ ka nèté mì Páwòlò 'vee Fílímòni

23 Èpàfàràsì, tí ka ye, náa ze kpónó kuu gbí zàa muu Bìndi-Mbíri tí Jézù ta yí nó 'vee yo ngé ma.

24 Ndâ ka ye mbe nèté: ñinó a Mária, gii je Àrìsitarìkù, gii je Démàsì, gii je Lúkà, delè 'vee yo ma.

²⁵ Ye kù 'deke tí ye máa Mbe tí ndoo, Jézù tí Bìndi-Mbíri, 'ví cù 'dê ngo cù wó mítí yo 'dáá gî.

Ndogo
Ndogo: Ngú bà toko nambeè m̀ Mb̀r̀ì ta ndâ 'dù
New Testament

copyright © 2001 Wycliffe Bible Translators, Inc.

Language: Ndogo

Contributor: Wycliffe Bible Translators, Inc.

All rights reserved.

2025-05-16

PDF generated using Haiola and XeLaTeX on 16 May 2025 from source
files dated 16 May 2025

14424ae9-b5af-591e-814e-49316d8d74aa